



PRAVILNIK
O PRIZNAVANJU ISPITA I USLOVIMA PRELASKA
SA DRUGIH VISOKOŠKOLSKIH USTANOVA NA UNIVERZITET FINRA
TUZLA

Decembar, 2024. godine

Na osnovu člana 63. Zakona o visokom obrazovanju Tuzlanskog kantona („Službene novine Tuzlanskog kantona“, broj: 21/2021 - prečišćen tekst, 22/2021 - autentično tumačenje, 5/2022, 11/2022 i 16/2022) i člana 39. Statuta visokoškolske ustanove Univerziteta FINRA Tuzla, na 13. (trinaestoj) sjednici održanoj dana 26.12.2024. godine, Senat visokoškolske ustanove Univerziteta FINRA Tuzla (u daljem tekstu: Univerzitet), donosi:

PRAVILNIK
O PRIZNAVANJU ISPITA I USLOVIMA PRELASKA
SA DRUGIH VISOKOŠKOLSKIH USTANOVA NA UNIVERZITET FINRA TUZLA

Član 1.
(Predmet regulisanja)

Ovim Pravilnikom se regulišu način i uslovi priznavanja ispita i uslovi prelaska sa drugih visokoškolskih ustanova na Univerzitet.

Član 2.
(Prelaz na Univerzitet FINRA)

Prelaz ili upis na Univerzitet mogu zatražiti osobe koje su upisane na drugi studij ili su ispisane s drugog studija, osobe koje su završile stručni studij i stekle manje od 240 ECTS bodova.

Član 3.
(Upis studenata s drugih studija)

Univerzitet će izvršiti upis studenata koji prelaze s drugih studija, ako postoje slobodni kapaciteti i uslovi za izvršavanje preostalih obveza studenata.

Član 4.
(Priznavanje položenih ispita)

Studentima koji u toku godine prelaze sa drugih visokoškolskih ustanova iz BiH na Univerzitet ili studentu koji ima položene ispite iz prethodnog školovanja, rješenjem Rektora priznaju se položeni ispiti, a na osnovu Izvještaja Komisije za priznavanje ispita koji usvaja Senat.

Član 5.
(Priznavanje ispita iz prethodnog školovanja)

Priznavanje ispita iz prethodnog školovanja vrši se na osnovu uvida u originalne dokumente ili ovjerene fotokopije potrebne dokumentacije kojom se dokazuje Plan i program prethodnog školovanja, položeni ispiti i ostvareni uspjeh kao što su: prijepis ocjena, uvjerenje o položenim predmetima sa postignutim ocjenama, studentska knjižica (indeks), dodatak diplomi (*diploma supplement*) i drugi dokumenti koji imaju svojstvo javne isprave i koji su utvrđeni zakonskim i podzakonskim aktima.

Član 6.
(Podudarnost Nastavnog plana i programa)

- (1) Komisija priznaje studentu položene ispite iz onih nastavnih predmeta koji se po sadržaju prema svom nastavnom programu podudaraju najmanje 80 % sa nastavnim programom odgovarajućeg predmeta na Univerzitet.
- (2) Lista izbornih predmeta kontinuirano se dopunjava odlukom Senata. Predmetima kojima se dopunjava lista izbornih predmeta, dodjeljuje se 5 ECTS kredita na prvoj i drugoj godini studija, odnosno 4 ECTS kredita na trećoj godini studija, u skladu sa predviđenim opterećenjem studenta po broju časova.

Član 7.

(Produžetak školovanja)

U skladu sa principom cjeloživotnog učenja i priznavanja prava na obrazovanje kao osnovnog ljudskog prava, Univerzitet će omogućiti produžetak školovanja i neće diskriminirati studente koji prelaze sa drugih visokoškolskih ustanova, ili studente koji imaju diplomu iz prethodnog školovanja, ili studente koji imaju položenih ispita u prethodnom školovanju po bilo kom osnovu u skladu sa matičnim oblastima.

Član 8.

(Zahtjev za prijelaz ili upis)

Zahtjev za prijelaz ili upis na prvi, drugi ili treći ciklus studija dostavlja se Studentskoj službi do 30. septembra za upis u zimski semestar ili do 28. februara za upis u ljetni semestar tekuće akademske godine.

Član 9.

(Polaganje razlike predmeta)

Ukoliko su ispiti koji se prenese položeni na visokoškolskoj ustanovi koja je matična iz istih naučnih polja i oblasti kao i Univerzitet FINRA Tuzla, tada student na Univerzitet FINRA Tuzla može da upiše narednu godinu studija u odnosu na godinu studija koja mu je priznata na toj visokoškolskoj ustanovi, uz obavezu polaganja razlike predmeta.

Član 10.

(Broj priznatih ECTS bodova)

- (1) Ukoliko su ispiti koji se prenose položeni na visokoškolskoj ustanovi koja nije matična u istim naučnim oblastima, tada student na Univerzitetu FINRA Tuzla može da upiše onu godinu studija koja odgovara broju priznatih ECTS bodova i to:
 - Minimum 44 priznatih ECTS bodova za upis u drugu godinu studija,
 - Minimum 104 priznatih ECTS bodova za upis na treću godinu studija,
 - Minimum 164 priznatih ECTS bodova za upis na četvrtu godinu studija.
- (2) Student je dužan da u daljem školovanju na Univerzitetu FINRA Tuzla položi svu razliku ispita i da stekne broj ECTS bodova predviđen za upis u naredne godine studija u skladu sa odredbama Statuta Univerziteta FINRA Tuzla i ovog Pravilnika.

Član 11.

(Razlika predmeta)

- (1) Komisija utvrđuje razliku predmeta koje studenti polažu paralelno sa programom nastavka školovanja, strukturu razlike utvrđuje predmetni nastavnik.
- (2) Studenti su dužni da do sticanja diplome prvog stepena steknu 240 ECTS kredit-bodova savladavajući program odgovarajućeg studijskog smjera iz 5. i 6., odnosno 7. i 8. semestra i savladavajući program određen Rješenjem o nastavku školovanja na Univerzitetu.

Član 12.

(Cijena naknade školarine)

- (1) Za upisanu godinu studija po osnovu prelaska sa druge visokoškolske ustanove, ili po osnovu produžetka školovanja, student plaća punu naknadu školarine.
- (2) Izuzetno od prethodnog stava ovog člana studentu se na osnovu njegovog zahtjeva može odobriti procentualno umanjeње školarine na godini u koju se upisuje u skladu sa brojem priznatih ispita na toj godini, kako slijedi:
 - 1-2 priznatih ispita 10% umanjeња;
 - 3-4 priznatih ispita 20% umanjeња i
 - 5 i više priznatih ispita 50% umanjeња.

Član 13.
(Nostrifikacija diplome)

Studenti koji prelaze na Univerzitet FiNRA Tuzla sa drugih visokoškolskih ustanova iz inozemstva, dužni su provesti proceduru nostrifikacije inostranih diploma u skladu sa Zakonom.

Član 14.
(Pitanja koja nisu regulisana Pravilnikom)

Sva pitanja koja nisu regulirana ovim Pravilnikom rješava Komisija iz člana 3. ovog Pravilnika, u skladu sa Statutom.

Član 15.
(Stupanje na snagu Pravilnika)

Pravilnik stupa na snagu danom donošenja.

Broj: 03-1176-5-25/24
Tuzla, 26.12.2024. godine

PREDSJEDAVAJUĆI SENATA

